



選詩函星

戰四

刑軻

衛人其先齊人徙于衛衛人謂之慶之
燕燕人謂之荆卿好讀書擊刺詩一首

淨

漢高帝

姓劉以諱那
字季詩一首

韋孟

魯國邠人家彭城為楚元王傅傅子夷王及
孫王戊荒淫不遵道孟作詩諷諫後遂去
位徙家於
卒詩一首

蘇武

字子卿京兆人武帝天漢二年以中郎將使匈奴十九年歸拜為典屬國宣帝神爵二年卒詩四首

李陵

字少卿天漢中為騎都尉將步卒五千人擊匈奴轉鬪矢盡遂降虜單于以爲王校工在匈奴二寸餘年卒詩三首

班婕妤

左曹越騎校尉況之女少有才學成後宮以爲婕妤後趙飛燕寵成譖妤共養太后長信宮詩一首

班固

字平子南陽西鄂人安帝時徵拜為郎中遷太史令永和初遷侍中宦官懼其譏之出爲河間王相三年上書乞骸骨徵拜尚書卒詩四首

無名氏

五言竝云古詩蓋不知作者云枚疑能明也詩云驅馬上東門又云遊戲死與此則辭兼東都非盡是乘明矣昭明以失姓名故編在漢人內詩十九首附古樂府四首

魏

魏武帝

沛國譙人姓曹氏諱操字孟德少機警有權數而任俠舉孝廉爲郎遷南頓令後封魏王追謚武皇帝詩二首

魏文帝

諱丕字子桓太祖太子為五官中郎將太祖薨嗣山為丞相魏王受漢禪即皇帝位詩五首

曹植

字子建太祖子文帝同母弟也建安十六年封平原侯尋徙封臨菑文帝即位諸侯並就國黃初二年貶安鄉侯改封鄄城三年立為甄城王四年徙封雍丘明帝太和元年改山浚儀三年復還雍丘三年徙東阿六年加封陳王薨年四十一謚曰思王二十五年

王粲

字仲宣山陽高平人有異才漢獻帝西遷因徙居長安後之荊州依劉表表卒自操為丞相掾賜爵關內侯拜侍中定安二十二年卒詩十三首

植

字公幹東平人太祖辟為丞相掾屬太子嘗宴諸文學酒酣命夫人甄氏出拜坐中眾伏植獨平視太祖聞之乃收治罪減死輸作署吏建安二十二年卒詩十首

應瑒

字德璉汝南人漢泰山太守劭之從子魏祖辟為丞相掾屬轉平原侯庶子後為五官中郎將文學建安二十二年卒詩一首

應璩

字休璉瑒之弟博學好屬文明帝時歷官散騎常侍齊王即位稍遷侍中大將軍長史曹爽多違法度璩為詩以諷焉其言雖頗譎然多切時要後為侍中典著作嘉平四年卒詩一首

繆襲

字熙伯東海蘭陵人有才學多所叙述官至侍中尚書光祿勳文章志曰襲解御史大夫府歷事魏四世正始六年卒詩一首

嵇康

字叔夜譙郡銍人好言老莊而尚奇任俠寓居山陽貧鍛以自給與魏宗室婚拜中散大夫山濤為吏部舉康自代康荅書言不堪流俗非薄湯武大將軍司馬昭聞之而怒景元三年以鍾會譖殺之詩七首

阮籍

字嗣宗陳留尉氏人司空記室瑀之子容貌瓌傑志氣宏放初辟太尉掾進散騎常侍大將軍司馬昭欲為其子炎求婚籍乃醉六十日不得言而止後引為從事中郎籍聞步兵厨多美酒遂求為步兵校尉縱酒昏酣遺落世事又對人能為青白眼由是禮法之士深所讐疾大將軍常保持之詩十七首

晉

張華

字茂先范陽人晉武帝受禪以為黃門侍中贊伐吳有功封廣武侯遷尚書後進為侍中中書監盡忠匡輔加封公元康六年拜司空與趙王倫孫秀有隙為倫秀所害詩六首

傅玄

字休奕北地泥陽人博學善屬文舉秀才晉王時為常侍及受禪進爵為子武帝初置諫官以玄為之遷侍中轉司隸校尉免官卒於家追封清泉侯謚曰剛詩一首

傅咸

字長虞玄之子剛簡有大節風格峻整識性明悟好屬文論雖綺麗不足而言成規鑒穎川庾純嘗歎曰長虞之文近乎詩人之作矣襲父爵拜太子洗馬官至司隸校尉詩一首

應貞

字吉甫魏侍中璩之子舉高第武帝踐祚遷給事中初置太子中庶子以貞為之後為散騎常侍詩一首

棗據

字道彥潁州長社人善文辭弱冠辟大將軍府出為山陽令遷尚書郎賈克代吳請為從事中郎軍還徙黃門侍郎冀州刺史太子中庶子卒詩一首

束皙

字廣微陽平元城人漢疎廣之後博學多文性沈退不慕榮利為王戎張華輩所辟用轉

著作郎博士選尚書郎趙王倫為相請為記室皙辭疾罷歸詩六首

司馬彪

字紹統高陽王睦長子少薄行為睦所責不得嗣由是專精學習博覽群籍泰始中為秘書郎後拜散騎侍郎惠帝末卒詩一首

何劭

字敬祖陳國陽夏人司空曾之子博學善屬文武帝踐阼以為散騎常侍永康初遷司徒趙王倫篡位以為太宰永寧元年薨襲封朗陵郡公謚曰康詩三首

陸機

字士衡吳郡人大司馬抗之子少有奇才領父兵為牙門將吳亡入洛太傅楊駿辟為祭酒累遷太子洗馬著作郎出補吳王郎中令入為尚書郎趙王倫輔政引為參軍大安初

成都王穎等起兵討長沙王又假機後將軍
河北大都督因戰敗績為穎所害詩五十二
首

陸雲

字士龍少與兄機齊名吳平入洛刺史周浚
召為從事公府掾太子舍人出補浚儀令後
拜吳王晏郎中令成都王穎表為清河內史
屢以正言忤旨機敗并為穎所害詩五首

潘岳

字安仁榮陽中牟人美姿儀少以才穎發
善屬文綺絕出眾才為郎遷河陽懷二
縣令入補尚書郎遷給事黃門侍郎素與
孫季有隙及趙王公輔政秀遂誣岳與石崇
為亂誅之詩十首

潘尼

字正叔少與從父岳俱以文章知名舉秀才
為太常博士累拜太子舍人出為宛令入補
尚書郎齊王冏起義我兵引為參軍事平封安
昌公歷中書令永嘉中遷太常卿卒詩四首

左思

字太冲齊國臨淄人徵為秘書郎齊王冏
命為記室辭疾不就以疾終詩十一首

張翰

字季鷹吳郡人有清才縱任不拘時人號
為江東步兵齊王冏辟為東曹掾詩一首

張載

字孟陽安平人博學有文章起家佐著作郎
累遷弘農太守長沙王又請為記室督拜中
書侍郎復領著作
稱疾歸卒詩六首

張協

字景陽與兄載齊名辟公府掾轉秘書郎累遷中書侍郎轉河間內史時天下已亂遂屏居草澤以屬詠自娛終於家詩十一首

王讚

字正長義陽人博學有俊才辟司空掾歷散騎侍郎卒詩一首

孫楚

字子荆太原中都人少負才氣多陵傲初為石苞驃騎參軍初至長揖曰天子命我參卿軍事因此構隙湮廢積年後扶風王駿起為征西參軍遷衛軍司馬惠帝初拜馮翊太守卒詩一首

石崇

字季倫渤海人年二十餘為城陽太守伐吳有功封安陽鄉侯累遷侍中出為南中郎將

荆州刺史領南蠻校尉致富不貲後拜太僕衛尉有愛妓綠珠孫秀使人求之不得遂勸趙王倫誅族其家詩一首

曹攄

字顏遠譙國人篤志好學參南園中郎將遷高密王左司馬流人王適等侵掠城邑遇戰軍敗死之詩二首

歐陽建

字堅石渤海人石崇甥為馮翊太守趙王倫為征西撓亂關中建每匡正不從私欲迎楚王偉立之由是有隙石崇勸淮南王誅倫未行事覺倫收崇建及毋妻無少長見害詩一首

郭泰機

河南人
詩一首

劉琨

字越石中山人少以雄豪著名永嘉初為并州刺史建興二年加大將軍都督并州三年進司空四年其長史以并州叛降石勒琨遂奔薊段匹殫因與結婚約以其載晉室元年渡江復加大尉封廣武侯後其子群與匹殫有隙遂被害謚曰愍詩三首

盧湛

字子諒范陽人好老莊善屬文尚武帝女榮陽公主後為劉琨主簿轉從事中郎琨為段匹殫所害湛投段末波後為石季龍所得官至中書監屬冉閔討石氏因遇害詩五首

郭璞

字景純河東聞喜人八文章冠一時尤妙於陰陽筭歷卜筮之術工導引為參軍補著作佐

郎遷尚書郎以母憂去王敦起為記室參軍敦既謀逆使筮璞卜口無成壽且不久敦大怒即收斬之及敦平迫也贈弘農太守詩七首

陶潛

字元亮入宋名潛潯陽柴桑人太尉長沙公侃之曾孫少有高趣親老家貧起為州祭酒不堪吏職解歸躬耕自資隆安中為鎮軍參軍義燕元年遷建威參軍未幾永為彭澤令在縣八十餘日解歸暨入宋終身不仕顏延年誄之謚曰靖節徵士詩八首

殷仲文

字仲文陳郡人少有才藻從兄仲堪薦用於會稽王道子後從桓玄反玄誅仲文為劉裕所殺詩一首

謝混

字叔源小字益壽陳郡陽夏人太傅安之孫
風華爲江左第一尚孝武帝晉陵公主官至
中領軍尚書左僕射以
與劉毅善坐誅詩一首

王康琚

古今詩英華題云晉王康
琚然爵里未詳也詩一首

宋

劉鑠

字休玄文帝第四子封南平穆王少好學有
文才元兇弒立以爲中軍將軍世祖入討歸
世祖進侍中司空然負才狡競每與兄弟
計度藝能屢輕孝武孝武毒殺之詩二首

顏延之

字延年瑯琊臨沂人性疎淡不護細行而文
章冠絕當時初爲宋公豫章世子參軍及公

卽帝位補太子舍人廬陵王待之甚厚執政
以其構扇異口因帝崩出爲始安太守文帝
元嘉三年徵召中書侍郎未幾復出守永嘉
孝武登阼以爲金紫光祿大夫卒贈特進謚
曰憲詩二
十一首

謝靈運

陳郡陽夏人因祖父竝葬始寧縣遂移籍會
稽晉孝武時襲封康樂公累遷黃門侍郎時
宋公位相國以爲從事中郎遷世子左衛率
及宋受禪降爵爲侯起爲散騎常侍轉太子
左衛率武帝崩出爲永嘉太守在郡辭歸始
寧文帝登阼徵爲秘書監遷侍中未幾復稱
疾歸好尋山陟險會稽太守孟覲表其有異
志帝惜其才授臨川內史復爲有司所糾徙
廣州尋以事詔就廣州棄
市年四十九詩四十一首

謝瞻

字宣遠六歲能屬文與從叔混弟靈運俱有盛名晉義熙中爲安城太守宋初除中書侍郎以弟晦當朝乃求出守豫章遇病卒詩九首

謝惠連

丹陽尹方明之子十歲能屬文元嘉元年爲彭城王法曹參軍年三十七歲卒詩五首

鮑照

一作昭字明遠東海人文詞瞻逸尤長於樂府始謁臨川王義慶貢詩言志擢爲侍郎遷秣陵令文帝選爲中書舍人上方以文章自高頗多忌由是賦述不敢盡其才後臨海王子頊鎮荊州以爲前軍參軍時江外諸王皆拒命子頊敗遂遇害詩十八首

范曄

字蔚宗泰之子也仕文帝時爲太子詹事大見信任乃與孔熙先謝綜共謀弒逆事覺伏

誅詩一首

袁淑

字陽源陳郡陽夏人少有風氣博涉多通元嘉中彭城王起爲祭酒累遷尚書吏部郎轉御史中丞再遷太子左衛率元亮將行弒逆呼淑與蕭斌同力淑力諫不從遂遇害孝武立贈侍中太尉諡曰忠獻詩二首

王微

一作徽宋書王微字景玄瑯琊人初爲始興王友除南平王鑠右軍諮議參軍仍爲中書侍郎微素無宦情時尚書江湛欲舉微爲吏部郎不就卒詩一首

王僧達

琅瑯臨沂人太保弘少子初爲始興王參軍孝武卽位以爲尚書右僕射尋出補僧達自

負才地謂當時莫及及為護軍不得志乃啟
求徐州孝武不悅以為征虜將軍吳郡太守
孝建三年除太常意尤不悅上表解職後以
歸順功封寧縣陵侯遷中書令僧達屢經狂
逆孝武因事下之
獄賜死詩二首

齊

謝朓

字玄暉宋僕射景仁之從孫少有美名齊隨
王子隆鎮荊州以為文學未幾求還都除新
安王記室尋兼尚書殿郎宣城王鸞輔政以
為驃騎諮議堂中書詔誥轉中書郎出補宣
城太守後遷工吏部郎兼衛尉永元初江祐
謀立始安王浚延光引以為黨不從收下獄死
詩二十一首

陸厥

字韓卿吳郡人慧曉仲孫少有風槩好屬文
五言詩體甚新州舉秀才少傳簿遷行參軍
永元元年始安王反厥父
開被誅感慟而卒詩二首

梁

沈約

字休文吳興武康人宋泰始中蔡興宗引為
安西記室參軍入齊為太子家令累遷吏部
郎出為東陽太守明帝徵為五兵尚書及梁
武受禪以佐命功除僕射歷尚書令侍中封
建昌侯加特進卒
謚曰隱詩十三首

江淹

字文通濟陽考城人弱冠以五經授宋始安王
劉子真為南徐州王新安從事奉朝請使安
薨舉南徐州桂陽王秀才轉建平王主簿雅
以文章見遇王移鎮朱方又為鎮軍參軍領

東海郡丞王欲舉兵淹以爲諷乃黜爲吳興令齊高帝始置史館命淹掌之累遷御史中丞明帝時出爲宣城太守還爲秘書監兼衛尉入梁爲散騎常侍遷金紫光祿大夫卒謚曰憲詩三十一首

范雲

字彥龍南鄉舞陰人初爲齊竟陵王府主簿歷始興內史遷廣州刺史免官少與梁武帝友善及武帝平建業以雲爲黃門郎與約同心翊贊遷散騎常侍吏部尚書卒謚曰文詩二首

丘遲

字希範烏程人靈鞠之子在齊以秀才累遷殿中郎梁武帝平建業引爲主簿及踐祚遷中書郎出爲永嘉太守遠拜中書侍郎後遷司空從事中郎詩二首

任昉

字彥昇樂安博昌人雅善屬文尤長載筆沈約一代詞宗深所推挹任齊爲竟陵王記室參軍司徒長史武帝時除拜黃門侍郎掌著作出爲義興太守轉御史中丞出爲新安太守爲政清省吏民便之詩二首

徐悱

字敬業勉之第二子也聰敏能屬文位太子舍人累遷洗馬出爲湘東王友遷晉安內史卒詩一首

虞羲

字子陽會稽人七歲能屬文齊始安王引爲侍郎尋兼建安征虜府主簿功曹又兼記室參軍事天監中卒詩一首

詩里畢

選詩上集

戰國

渡易水歌

荆軻

燕太子丹使荆軻刺秦王丹祖送於易水上高漸離擊筑荆軻歌宋如意和之曰

風蕭蕭兮易水寒壯士一去兮不復還

漢

大風歌

漢高帝

高祖還過沛留置沛宮悉召故人父老子弟佐酒

博陵劉大文澹然校



發沛中見得百二十人教之歌酒酣上擊筑自歌
曰

大風起兮雲飛揚威加海內兮歸故鄉安得猛士兮
守四方

諷諫詩

韋孟

孟爲元王傅子夷王及孫王戊戌荒淫不遵道作

詩諷諫

肅肅我祖國自豕韋黼衣朱黻四牡龍旂彤弓斯征
撫寧遐荒總齊群邦以翼大商迭彼大彭勳績維光
至于有周歷世會同王赧聽譖寔絕我邦我邦既絕

厥政斯逸賞罰之行非由

善本作

王室庶尹群后靡扶

靡衛五服崩離宗周以墜我祖斯微遷于彭城在予

小子勤唉厥生阨此媢秦耒耜斯耕悠悠媢秦上天

不寧乃眷南顧授漢于京於赫有漢四方是征靡適

不懷萬國攸平乃命厥弟建侯于楚俾我小臣維傳

是輔矜矜元王恭儉靜一惠此黎民納彼輔弼享國

漸世垂烈於後乃及夷王克奉厥次

五臣作緒

咨命不永

惟王統祀左右陪臣斯維皇士如何我王不思守保

不惟履水以繼祖考邦事是廢逸遊是娛犬馬悠悠

是放

五臣本作田獵

是驅務此鳥獸忽此稼苗蒸民以匱我

王以媮所弘匪德所親匪俊維固是恢維諛是信諭
諭諂夫諤諤黃髮如何我王曾不是察既藐下臣追
欲縱五臣作樂逸嫚彼顯祖輕此削黜嗟嗟我王漢之睦
親曾不夙夜以休令聞穆穆天子臨照下土明明群
司執憲靡顧正遐由近殆其茲怙嗟嗟我王曷不斯
思匪思匪監嗣其罔則彌彌其逸岌岌其國致永匪
霜致墜匪慢瞻維我王時靡不練興國救顛孰違悔
過追思黃髮秦繆以霸歲月其徂年其逮耆於赫君
子庶顯于後我王如何曾不斯覽黃髮不近胡不時
鑒

詩四首

蘇武

骨肉緣枝葉結交亦相因四海皆兄弟誰爲行路人
況我連枝樹與子同一身昔爲鴛與鴦今爲參與辰
昔者常相近邈若胡與秦惟念當乖離思情日以新
鹿鳴思野艸可以喻嘉賓我有一尊酒欲以贈遠人
願子留斟酌叙此平生親

二

結髮爲夫妻恩愛兩不疑歡娛在今夕嫵婉及良時
征夫懷往路起視夜何其參辰皆已沒去去從此辭
行役在戰場相見未有期握手一長歎淚爲生別滋

努力愛春華莫忘歡樂時生當復來歸死當長相思

三

黃鵠一遠別千里顧徘徊胡馬失其群思心常依依
何況雙飛龍羽翼臨當乖幸有絃歌曲可以喻中懷
請為遊子吟泠泠一何悲絲竹厲清聲慷慨有餘哀
長歌正激烈中心愴以摧欲展清商曲念子不得歸
俛仰內傷心淚下不可揮願為雙黃鵠送子俱遠飛

四

燭燭晨明月馥馥秋蘭芳芬馨良長一作夜發隨風聞
我堂征夫懷遠路遊子戀故鄉寒冬十二月晨起踐

嚴霜俯觀江漢流仰視浮雲翔良友遠別離各在天
一方山海隔中州相去悠且長嘉會難再遇歡樂殊

未央願君一作崇令德隨時愛景光

與蘇武詩三首

李陵

良時不再至離別在須臾屏營衢路側執手野踟躕
仰視浮雲馳奄忽互相踰風波一失所各在天一隅
長當從此別且復立斯須欲因晨風發送子以賤軀

二

携手上河梁遊子暮何之徘徊蹊路側悵悵一作悵不
能辭行人難久留各有長相思安知非日月弦望自

有時努力崇明德皓首以爲期

三

嘉會難再遇三載爲千秋臨河濯長纓念子一作別悵

悠悠遠望悲風至對酒不能酬行人懷往路何以慰

我愁獨有盈觴酒與子結綢繆

怨歌行

班婕妤

新裂一作製齊紈素皎一作鮮潔如霜雪裁成一作爲合歡

扇團團一作團圓似明月出入君懷袖動搖微風發常恐

秋節至涼飈一作風奪炎熱一作奪篋篋中恩情中道絕

四愁詩并序

張衡

張衡不樂久處機密陽嘉中出爲河間相時國王

驕奢不遵法度又多豪右并兼之家衡下車治威

嚴能內察屬縣姦猾行巧劫皆密知名下吏收捕

盡服擒諸豪俠遊客悉惶懼逃出境郡中大治爭

訟息獄無繫囚時天下漸弊鬱鬱不得志爲四愁

詩效屈原以美人爲君子以珍寶爲仁義以水深

雪雰爲小人思以道術爲報貽於時君而懼讒邪

不得以通其辭曰

一思曰我所思今在太山欲往從之梁父艱側身東

望滄海翰美人贈我金錯刀何以報之英瓊瑤路遠

莫致倚逍遙何爲懷憂心煩勞

二

二思曰我所思今在桂林欲往從之湘水深側身南
望涕霑襟美人贈我金琅玕何以報之雙玉盤路遠
莫致倚惆悵何爲懷憂心煩傷

三

三思曰我所思今在漢陽欲往從之隴阪長側身西
望涕霑裳美人贈我貂襜褕何以報之明月珠路遠
莫致倚踟躕何爲懷憂心煩紆

四

四思曰我所思今在雁門欲往從之雪雰雰側身北
望涕霑巾美人贈我錦繡段何以報之青玉案路遠
莫致倚增歎何爲懷憂心煩惋

古詩十九首

無名氏

行行重行行與君生別離相去萬餘里各在天一涯

道路阻且長會面安可知

一作期

胡馬依

一作嘶

北風越

鳥巢南枝相去日已遠衣帶日已緩浮雲蔽白日遊
子不顧返思君令人老歲月忽已晚棄捐勿復道努
力加餐飯

二

青青河畔艸。鬱鬱園中柳。盈盈樓上女。皎皎當牕牖。
娥娥紅粉妝。纖纖出素手。昔爲倡家女。今爲蕩子婦。
蕩子行。不歸空牀難獨守。

三

青青陵上栢。磊磊澗中石。人生天地間。忽如遠行客。
斗酒相娛樂。聊厚不爲薄。驅車策駑馬。遊戲宛與洛。
洛中何鬱鬱。冠帶自相索。長衢羅夾巷。王侯多第宅。
兩宮遙相望。雙闕百餘尺。極宴娛心意。戚戚何所迫。

四

今日良宴會。歡樂難具陳。彈箏奮逸響。新聲妙入神。

令德唱高言。識曲聽其真。齊心同所願。含意俱未伸。
人生寄一世。奄忽若飈塵。何不策高足。先據要路津。
無爲守窮賤。軼軻長苦辛。

五

西北有高樓。上與浮雲齊。交疏結綺牕。阿閣三重階。
上有絃歌聲。音響一何悲。誰能爲此曲。無乃杞梁妻。
清商隨風發。中曲正徘徊。一彈再三歎。慷慨有餘哀。
不惜歌者苦。但傷知音稀。願爲雙鴻鵠。奮翅起高飛。

六

涉江采芙蓉。蘭澤多芳艸。采之欲遺誰。所思在遠道。

還顧望舊鄉。長路漫浩浩。同心而離居。憂傷以終老。

七

明月皎夜光。促織鳴東壁。玉衡指孟冬。衆星何歷歷。白露霑野艸。時節勿復易。秋蟬鳴樹間。玄鳥逝安適。昔我同門友。高舉振六翮。不念攜手好。棄我如遺跡。南箕北有斗。牽牛不負軛。良無盤石固。虛名復何益。

八

冉冉孤生竹。結根泰山阿。與君爲新婚。兔絲附女蘿。兔絲生有時。夫婦會有宜。千里遠結婚。悠悠隔山陂。思君令人老。軒車來何遲。傷彼蕙蘭花。含英揚光輝。

過時而不采。將隨秋艸萎。君亮執高節。賤妾亦何爲。

九

庭中有奇樹。綠葉發華滋。攀條折其榮。將以遺所思。馨香盈懷袖。路遠莫致之。此物何足貴。但感別經時。

十

迢迢牽牛星。皎皎河漢女。纖纖擢素手。札札弄機杼。終日不成章。泣涕零如雨。河漢清且淺。相去復幾許。盈盈一水間。脉脉不得語。

十一

迴車駕言邁。悠悠跡長道。四顧何茫茫。東風搖百草。

所遇無故物。焉得不速老。盛衰各有時。立身苦不早。
人生非金石。豈能長壽考。奄忽隨物化。榮名以爲寶。

十二

東城高且長。逶迤自相屬。迴風動地起。秋艸萋已綠。
四時更變化。歲暮一何速。晨風懷苦心。蟋蟀傷局促。
蕩滌放情志。何爲自結束。燕趙多佳人。美者顏如玉。
被服羅裳衣。當戶理清曲。音響一何悲。絃急知柱促。
馳情整巾帶。沈吟聊躑躅。思爲雙飛燕。銜泥巢君屋。

十三

驅車上東門。遙望郭北墓。白楊何蕭蕭。松柏夾廣路。

下有陳死人。杳杳卽長暮。潛寐黃泉下。千載永不寤。
浩浩陰陽移。年命如朝露。人生忽如寄。壽無金石固。
萬歲更相送。賢聖莫能度。服食求神僊。多爲藥所誤。
不如飲美酒。被服純與素。

十四

去者日已疎。來者日已親。出郭門直視。但見丘與墳。
古墓犁爲田。松柏摧爲薪。白楊多悲風。蕭蕭愁殺人。
思還故里間。欲歸道無因。

十五

生年不滿百。常懷千歲憂。晝短苦夜長。何不秉燭遊。

爲樂當及時。何能待來茲。愚者愛惜費。但爲後世嗤。
僊人王子喬。難可與等期。

十六

凜凜歲云暮。螻蛄夕鳴悲。涼風率已厲。遊子寒無衣。
錦衾遺洛浦。同袍與我違。獨宿累長夜。夢想見容輝。
良人維古歡。枉駕惠前綏。願得常巧笑。携手同車歸。
旣來不須臾。又不處重闈。亮無晨風翼。焉能凌風飛。
眇眇以適意。引領遙相睎。徒倚懷感傷。垂涕霑雙扉。

十七

孟冬寒氣至。北風何慘慄。愁多知夜長。仰觀衆星列。
三五明月滿。四五蟾兔缺。客從遠方來。遺我一書札。
上言長相思。下言久離別。置書懷袖中。三歲字不滅。
一心抱區區。懼君不識察。

十八

客從遠方來。遺我一端綺。相去萬餘里。故人心尚爾。
文彩雙鴛鴦。裁爲合歡被。著以長相思。緣以結不解。
以膠投漆中。誰能別離此。

十九

明月何皎皎。照我羅牀幃。憂愁不能寐。攬衣起徘徊。
客行雖云樂。不如早旋歸。出戶獨徬徨。愁思當告誰。

引領還入房。淚下。霑裳衣。

飲馬長城窟行

古樂府

青青河畔艸。絲絲思遠道。遠道不可思。夙五臣作宿昔夢見之。夢見在我。傍忽覺在他鄉。他鄉各異縣。展轉不可見。枯桑知天風。海水知天寒。入門各自媚。誰肯相為言。客從遠方來。遺我雙鯉魚。呼童烹鯉魚。中有尺素書。長跪讀素書。書中竟何如。上有加餐食。下有長相憶。

君子行

君子防未然。不處嫌疑間。瓜田不納履。李下不正冠。

嫂叔不親授。長幼不比肩。勞謙得其柄。和光甚獨難。周公下白屋。吐哺不及餐。一沐三握髮。後世稱聖賢。

傷歌行

昭昭素明月。暉光燭我牀。憂人不能寐。耿耿夜何長。微風吹闥闥。羅帷自飄颺。攬衣曳長帶。屣履下高堂。東西安所之。徘徊以彷徨。春鳥翻南飛。翩翩獨翱翔。悲聲命儔匹。哀鳴傷我腸。感物懷所思。泣涕忽霑裳。佇立吐高吟。舒憤訴穹蒼。

長歌行

青青園中葵。朝露待日晞。陽春布德澤。萬物生光輝。

常恐秋節至。焜黃華葉衰。百川東到海。何時復西歸。
少壯不努力。老大徒傷悲。善作乃

魏

短歌行

魏武帝

對酒當歌。人生幾何。譬如朝露。去日苦多。慨當以慷。
憂思難忘。何日解憂。唯有杜康。青青子衿。悠悠我心。
但爲君故。沈吟至今。呦呦鹿鳴。食野之苹。我有嘉賓。
鼓瑟吹笙。明明如月。何時可掇。憂從中來。不可斷絕。
越陌度阡。枉用相存。契闊譚讌。心念舊恩。月明星稀。
烏鵲南飛。繞樹三匝。何枝可依山。不厭高。海不厭深。

周公吐哺。天下歸心。

苦寒行

北上太行山。艱哉何巍巍。羊腸阪詰屈。車輪爲之摧。
樹木何蕭索。善作瑟北風聲正悲。熊羆對我蹲。虎豹夾
路啼。谿谷少人民。雪落何霏霏。延頸長歎息。遠行多
所懷。我心何怫鬱。欲思一東歸。水深橋梁絕。中道善作
路正徘徊。迷惑失故路。薄暮無所棲。行行日已遠。人
馬同時饑。檐囊行取五臣作采薪。斧冰持作糜。悲彼東山
詩。悠悠使我哀。

善哉行

魏文帝

上山采薇。薄暮苦饑。谿谷多風。霜露霑衣。野雉群雊。
猴猿相追。還望故鄉。鬱何壘壘。高山有崖。林木有枝。
憂來無方。人莫之知。人生如寄。多憂何為。今我不樂。
日善作月如馳。湯湯川五臣流。中有行舟。隨波轉薄。
有似客遊。策我良馬。被我輕裘。載馳載驅。聊以忘憂。

燕歌行

秋風蕭瑟。天氣涼。艸木搖落。露為霜。群燕辭歸。雁南
翔。念君客遊。思斷腸。慊慊思歸戀故鄉。何為淹留寄
他方。賤妾斃斃守空房。憂來思君不敢忘。不覺淚下
霑衣裳。援琴鳴絃發清商。短歌微吟不能長。明月皎
皎照我牀。星漢西流夜未央。牽牛織女遙相望。爾獨
何辜限河梁。

芙蓉池作

乘輦夜行遊。逍遙步西園。雙渠相溉灌。嘉木繞通川。
卑枝拂羽蓋。修條摩蒼天。驚風扶輪轂。飛鳥翔我前。
丹霞夾明月。華星出雲間。上天垂光彩。五色一何鮮。
壽命非松喬。誰能得神仙。遨遊快心意。保已終百年。

雜詩二首

漫漫秋夜長。烈烈北風涼。展轉不能寐。披衣起彷徨。
作藝文彷徨。彷徨忽已久。白露霑我裳。俯視清水波。仰看明

月光天漢回西流。三五正縱橫。艸蟲鳴何悲。孤雁獨南翔。鬱鬱多悲思。綿綿思故鄉。願飛安得翼。欲濟河無梁。向風長歎息。斷絕我中腸。

二

西北有浮雲。亭亭如車蓋。惜哉時不遇。適與飄風會。吹我東南行。行行至吳會。吳會非我鄉。安得久畱滯。棄置勿復陳。客子常畏人。

上責躬詩

曹植

於穆顯考。時惟武皇。受命于天。寧濟四方。朱旗所拂。九土披攘。玄化滂流。荒服來王。超商越周。與唐比蹤。

篤生我皇。奕世載聰。武則肅烈。文則時雍。受禪于

魏志

炎漢君臨。萬邦萬邦。既化率由。舊則廣命。懿親以藩。

王國。帝曰爾侯。君茲青土。奄有海濱。方周于魯。車服

有輝。旗章有叙。濟濟雋乂。我弼我輔。伊予小子。恃寵

驕盈。舉挂時綱。動亂國經。作藩作屏。先軌是隳。傲我皇使

犯我朝儀國有典刑。我削我紕。集作將寘于理。元兇是率。

明明天子。時惟篤類。一作時類不忍我刑。暴之朝肆。違

彼執憲。哀予小臣。一作子改封兗邑。于河之濱。股肱弗

置。有君無臣。荒淫之闕。誰弼予身。玃玃僕夫。于彼冀

方。嗟予小子。乃罹斯殃。赫赫天子。恩不遺物。冠我玄

冕要我朱紱光光大一作天使我榮我華剖符授玉一作

上王爵是加仰齒金璽俯執聖策皇恩過隆祇承休

惕咨我小子頑兇是嬰逝慙陵墓存愧闕庭匪敢傲

德實恩是恃威靈改加足以沒齒昊天罔極生魏志作性

命不圖常懼顛沛抱罪黃墟願蒙矢石建旗東嶽庶

立毫釐微功自贖危軀授命知足免戾甘赴江湘奮

戈吳越天啟其衷得會京畿遲奉聖顏如渴如饑心

之云慕愴矣其悲天高聽卑皇有照微

應詔詩

肅承明詔應會皇都星陳夙駕秣馬脂車命彼掌徒

卷之三